

UGOVOR O POSLOVNOJ SARADNJI

Dana 28.4.2021. godine zaključen je Ugovor o poslovnoj saradnji, između:

1. „**V.T.T.I. TRAVEL**“ d.o.o. Banja Luka (u daljem tekstu: V.T.T.I. TRAVEL), sa sjedištem na adresi Vidovdanska bb, u Banja Luci, kojeg zastupa Maja Babić, direktor (u daljem tekstu: Davalac usluge) i
2. **Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine** (u daljem tekstu: Sindikat), sa sjedištem na adresi Obala Kulina bana 1, u Sarajevu, kojeg zastupa Samir Kurtović, Predsjednik Sindikata, za članove Sindikata (u daljem tekstu: Korisnik usluge)

Član 1.

Ovim Ugovorom Davalac usluge i Korisnik usluge utvrđuju okvirne uslove za pružanje usluga turističkih aranžmana iz aktualne ponude za sve članove Sindikata (u daljem tekstu: Kupac) uz mogućnost plaćanja na 1-12 mjesečnih rata.

Član 2.

Članovi Sindikata su dužni prilikom rezervacije turističkog aranžmana pokazati člansku karticu uz ličnu kartu, te na taj način dokazati članstvo u Sindikatu.

Član 3.

Davaoc usluge prilikom rezervacije turističkog aranžmana izdaje kupcu (članu Sindikata) ili službenim putem Poslodavcu (kod kojeg je uposlen član Sindikata) dva primjerka administrativne zabrane na ovjeru, od kojih jedan primjerak zadržava Poslodavac kod kojeg je uposlen član Sindikata, a drugi Davaoc usluge zadržava za sebe.

Davaoc usluge može ugovoriti poseban ugovor o putovanju, kojim se definiše način plaćanja s kupcem.

Član 4.

Davaoc usluge po osnovu dostavljenog primjerka ovjerene administrativne zabrane ili potpisanog ugovora o putovanju između Davaoca usluge i člana Sindikata, vrši rezervaciju.

Član 5.

Poslodavac kod kojeg je uposlen član Sindikata dužan je postupati u skladu s administrativnom zabranom, te uplatu dospjelih rata obračunavati prilikom isplate plaće radnika za tekući mjesec na žiro račun Davaoca usluga. Jedan primjerak administrativne zabrane zadržava Davaoc usluge, a drugi primjerak Poslodavac kod kojeg je uposlen član Sindikata.

U slučaju prekida radnog odnosa člana Sindikata kod Poslodavca kod kojeg je zaposlen kupac, član Sindikata, prije isplate cjelokupnog iznosa aranžmana, Poslodavac je obavezan izdati nalog da se kroz posljednju plaću izvrši obustava cjelokupnog duga po osnovu kupljene usluge.

Ukoliko radnik, član Sindikata nema raspoloživa sredstva za obustavljanje dužnog dijela, radnik je obavezan da dug uplati u direktno Davaocu usluge, prije prestanka radnog odnosa.

Član 6.

Ovaj Ugovor se zaključuje na neodređeno vrijeme, a svaka ugovorna strana ima pravo otkaza Ugovora uz obavezu da pismenu obavijest dostavi drugoj strani 30 dana prije najavljenog datuma otkaza.

Svaka strana ima pravo raskida ovog Ugovora ukoliko druga strana ne izvršava neku od obaveza iz Ugovora i bez davanja roka uz obavezu dostavljanja pismene obavijesti sa obrazloženjem o razlozima prekida ugovornog odnosa.

Član 7.

Ovaj Ugovor stupa na snagu danom potpisivanja, a traje do dana otkaza ili raskida jedne od ugovornih strana.


Član 8.

Eventualne sporove po ovom Ugovoru strane će riješavati međusobnim dogovorom, a u protivnom nadležan je Osnovni sud u Banja Luci.

Član 9.

Ovaj Ugovor je sastavljen u četiri (4) istovjetna primjerka, po dva (2) za svaku ugovornu stranu.


Davalac usluge



Br.
Datum:



Korisnik usluge



Br. 1-478/21
Datum: 28.4.2021

